



**SURAT PEKELILING KEWANGAN
BILANGAN 3 TAHUN 2021**

**SOALAN LAZIM BERKAITAN PEROLEHAN KERAJAAN
BERIKUTAN PELAKSANAAN PERINTAH KAWALAN
PERGERAKAN (PKP), PERINTAH KAWALAN
PERGERAKAN BERSYARAT (PKPB) DAN PERINTAH
KAWALAN PERGERAKAN PEMULIHAN (PKPP) DI
UNIVERSITI TEKNIKAL MALAYSIA MELAKA (UTeM).**

Pejabat Bendahari

25 Februari 2021

Disalinkan kepada:

Naib Canselor

Timbalan Naib Canselor (Akademik & Antarabangsa)

Timbalan Naib Canselor (Penyelidikan & Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri & Masyarakat)

Penolong Naib Canselor (Pembangunan & Pengurusan Fasiliti)

Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.03.04.01/100-3/3/2 Jld. 11 (3)

25 Februari 2021

SURAT PEKELILING KEWANGAN BIL. 3/2021

SOALAN LAZIM BERKAITAN PEROLEHAN KERAJAAN BERIKUTAN PELAKSANAAN PERINTAH KAWALAN PERGERAKAN (PKP), PERINTAH KAWALAN PERGERAKAN BERSYARAT (PKPB) DAN PERINTAH KAWALAN PERGERAKAN PEMULIHAN (PKPP) DI UNIVERSITI TEKNIKAL MALAYSIA MELAKA (UTeM)

1.0 TUJUAN

Surat Pekeliling Kewangan ini dikeluarkan bagi memaklumkan kepada semua warga Universiti akan Soalan Lazim Berkaitan Perolehan Kerajaan Berikutan Pelaksanaan Perintah Kawalan Pergerakan (PKP), Perintah Kawalan Pergerakan Bersyarat (PKPB) DAN Perintah Kawalan Pergerakan Pemulihan (PKPP) Di Universiti Teknikal Malaysia Melaka (UTeM)

2.0 LATAR BELAKANG

- 2.1 Kerajaan Malaysia pada 11 Januari 2021 telah memutuskan tempoh Perintah Kawalan Pergerakan (PKP) mulai 13 Januari 2021 sehingga 26 Januari 2021.
- 2.2 Soalan lazim ini disediakan oleh pihak MoF sebagai panduan kepada semua Kementerian/Agensi dan hendaklah dibaca bersekali dengan Pekeliling Perbendaharaan yang sedang berkuat kuasa.
- 2.3 Seterusnya Soalan Lazim ini telah diluluskan untuk digunapakai dalam Mesyuarat Lembaga Pengarah Bil. 1/2021 pada 10 Februari 2021.

3.0 SOALAN LAZIM (FAQ) PEROLEHAN BERIKUT PELAKSANAAN PERINTAH KAWALAN PERGERAKAN

3.1 Soalan Lazim untuk rujukan dan panduan bagi perolehan berikutan pelaksanaan perintah kawalan pergerakan adalah seperti di **Lampiran** dan hendaklah dibaca bersekali dengan Bahagian Pengurusan Perolehan Universiti (PU), Peraturan Kewangan dan Perakaunan Universiti (PKPU).

3.2 Soalan Lazim ini juga boleh dirujuk pada Bab B Kaedah Perolehan Bekalan Dan Perkhidmatan Universiti, Bahagian Pengurusan Perolehan Universiti (PU), Peraturan Kewangan dan Perakaunan Universiti (PKPU) di pautan berikut :

<https://pkpu.utem.edu.my/index.php/3-0-bahagian-pengurusan-perolehan-universiti> .

4.0 PEMAKAIAN

Surat Pekeliling Kewangan ini adalah berkuat kuasa mulai 13 Januari 2021 sehingga suatu tarikh baharu yang akan ditentukan oleh kerajaan (berdasarkan pengumuman Kerajaan dari semasa ke semasa).

5.0 PEMBATALAN

Surat Pekeliling Kewangan Bilangan 8 Tahun 2020 dibatalkan.

Segala kerjasama yang diberikan oleh YBhg. Datuk/Prof./Dr./Tuan/Puan amatlah dihargai dan didahului dengan ucapan terima kasih.

Sekian, harap maklum.

“PRIHATIN RAKYAT : DARURAT MEMERANGI COVID-19”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menurut amanah,



KHAIRUL BIN TAIB

Bendahari

Universiti Teknikal Malaysia Melaka

kaat/Surat Pekeliling Kewangan/2021

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
Kontrak Perolehan Semasa		
1.	Adakah pelaksanaan program/projek yang sedang berjalan perlu diteruskan dalam tempoh PKP?	Program/projek boleh diteruskan tertakluk kepada sektor yang dibenarkan beroperasi dan dikategorikan sebagai sektor ekonomi perlu (<i>essential economic sector</i>) berdasarkan senarai yang dikeluarkan oleh Kementerian Perdagangan Antarabangsa dan Industri (MITI). Pelaksanaan program/projek tersebut perlu mematuhi SOP yang dikeluarkan oleh Majlis Keselamatan Negara (MKN) dan Kementerian Kesihatan Malaysia (KKM).
2.	Adakah proklamasi darurat yang diumumkan pada 12 Januari 2021 akan menjejaskan proses perolehan yang dilaksanakan oleh Agensi?	Tidak, kerana Agensi Kerajaan beroperasi seperti biasa dan proses perolehan Kerajaan boleh diuruskan berdasarkan SOP yang telah ditetapkan.
3.	Bagaimana dengan program/projek yang terlibat dengan arahan penutupan atau pemberhentian operasi dalam tempoh PKP/PKPB/PKPP oleh pihak berkuasa? Adakah boleh diteruskan berdasarkan obligasi kontrak?	<p>i. Bagi bekalan/perkhidmatan/ kerja yang tidak terjejas seperti perkhidmatan kawalan keselamatan di sekolah, ia hendaklah diteruskan berdasarkan obligasi kontrak.</p> <p>ii. Manakala, bagi bekalan/ perkhidmatan/kerja seperti pembekalan makanan bermasak di sekolah yang terjejas dan tidak dapat diteruskan, Agensi hendaklah mengambil tindakan selaras syarat kontrak sebagai contoh mengeluarkan <i>suspension notice</i>.</p> <p>iii. Tindakan melanjutkan tempoh kontrak boleh dibuat dengan merujuk kepada perenggan 5 surat Kementerian Kewangan no. rujukan: MOF.BPK(S)600-1/4/4(23) bertarikh 24 Disember 2020 yang memberikan penurunan kuasa kepada Naib</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>Canselor untuk mempertimbangkan pelanjutan kontrak tertakluk kepada maksimum tiga (3) bulan sahaja iaitu sehingga 31 Mac 2021 bagi kontrak bekalan dan perkhidmatan bernilai RM200 ribu ke bawah yang terjejas akibat penguatkuasaan PKP/PKPB/PKPP.</p> <p>iv. Bagi perolehan bekalan/ perkhidmatan melebihi RM200 ribu berdasarkan peraturan sedia ada perlu mendapatkan kelulusan daripada Pihak Berkuasa Melulus (PBM).</p> <p>v. Bagi perolehan bekalan/perkhidmatan yang terjejas akibat PKP, tempoh lanjut bekal/perkhidmatan perlu mendapat kelulusan Pihak Berkuasa Melulus (PBM).</p>
4.	Adakah Kerajaan masih meneruskan kemudahan bayaran gaji pekerja bagi kontrak yang terjejas dalam tempoh PKP/PKPB/PKPP?	Tidak. Bayaran ke atas bekalan/perkhidmatan/kerja berdasarkan obligasi kontrak tertakluk kepada kesempurnaan bekalan/perkhidmatan/kerja oleh syarikat dan syarat-syarat kontrak. Sekiranya kontrak belum disempurnakan, tiada bayaran akan dibuat.
5.	Keperluan Akuan Bersumpah di dalam Surat Setuju Terima (SST).	<p>i. Bagi mana-mana SST yang dikeluarkan sebelum PKP dan syarikat sepatutnya mengembalikan SST dalam tempoh PKP, syarikat dibenarkan mengembalikan SST yang telah ditandatangani tanpa melampirkan Akuan Bersumpah Pembida Berjaya dalam tempoh PKP.</p> <p>ii. Setelah tempoh PKP berakhir, Universiti hendaklah mengeluarkan pemakluman</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		semula kepada syarikat agar mengemukakan dengan seberapa segera Akuan Sumpah tersebut kepada Agensi lengkap ditandatangani dan dicop oleh Pesuruhjaya Sumpah.
6.	Berikutan pelaksanaan PKP, syarikat menghadapi masalah untuk mengemukakan bon pelaksanaan/ insurans bagi melengkapkan SST.	Berdasarkan peraturan semasa PK4.2/perenggan 9.9.2 membenarkan Agensi untuk memberikan pengecualian bertulis untuk syarikat mengemukakan bon pelaksanaan/insurans lewat dari tempoh asal yang ditetapkan sehingga maksimum 60 hari dari tarikh tersebut. Sekiranya tempoh maksimum 60 hari tersebut telah tamat, MOF memberi kebenaran kepada Universiti untuk mengecualikan syarikat mengemukakan bon pelaksanaan/ insurans selewat-lewatnya tambahan 60 hari selepas tempoh PKP berakhir. Kegagalan syarikat mengemukakan bon pelaksanaan/insurans dalam tempoh tersebut menyebabkan pesanan tempatan tidak dikeluarkan kepada syarikat.
Proses Pembayaran		
7.	Apakah status tuntutan bayaran bagi invois yang telah diserahkan kepada agensi sebelum/semasa tempoh PKP?	Walaupun projek/program ditangguhkan pelaksanaannya, namun tuntutan bayaran bagi pembekalan/perkhidmatan/kerja yang telah disempurnakan dan lengkap invoisnya serta dikemukakan kepada agensi sebelum/semasa tempoh PKP, pembayaran boleh dibuat selaras dengan syarat kontrak.
8.	Salah satu syarat untuk membuat pembayaran adalah kontrak perjanjian dimeterai oleh kedua-dua pihak dan dimatikan setem di pejabat LHDN.	Tidak. Pembayaran boleh dilaksanakan dengan kedua-dua pihak telah menandatangani kontrak dan setem hasil dimatikan oleh pembekal.

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
	Adakah pembayaran boleh dibuat dalam tempoh PKP bagi kontrak perjanjian yang belum dimatikan setem.	
9.	Bagi bekalan/ Perkhidmatan (termasuk Perunding)/Kerja telah disempurnakan sebelum tarikh tamat kontrak perjanjian (sebelum atau semasa PKP), adakah Agensi boleh membayar bekalan/ perkhidmatan/kerja tersebut selepas tempoh PKP berakhir?	Pembayaran ke atas bekalan/ perkhidmatan/kerja yang telah disempurnakan hendaklah disegerakan dalam tempoh PKP agar tidak menjejaskan kewangan syarikat terutamanya dari segi bayaran upah kepada pekerjaannya. Bayaran tersebut masih boleh dilaksanakan setelah tempoh PKP berakhir sekiranya masih ada baki bayaran yang belum diselesaikan sepenuhnya.
Proses Pelaksanaan Perolehan Yang Telah Bermula/Baharu		
10.	Bolehkah perolehan <i>hand sanitizer</i> , <i>thermometer</i> dan topeng muka dilaksanakan secara perolehan darurat	Perolehan tersebut hendaklah dilaksanakan mengikut kaedah perolehan sedia ada yang berkuat kuasa.
11.	Apakah kaedah perolehan yang boleh digunakan sekiranya agensi berpandangan terdapat keperluan untuk melaksanakan perkhidmatan disinfeksi (<i>disinfection</i>) di premis Kerajaan bagi mengelakkan penularan COVID-19?	<p>i. Bagi premis Universiti yang mempunyai kontrak perkhidmatan pengurusan fasiliti (<i>Facility Management - FM</i>), Universiti boleh mengarahkan syarikat terbabit untuk melaksanakan perkhidmatan disinfeksi yang diperlukan.</p> <p>ii. Jika syarikat FM tidak berupaya untuk melaksanakan operasi tersebut, Universiti boleh mengarahkan syarikat yang mengendalikan perkhidmatan pembersihan bangunan/kawasan untuk melaksanakan operasi tersebut. Kemudiannya Universiti perlu menambah perkhidmatan disinfeksi di dalam skop perkhidmatan asal.</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>iii. Jika syarikat FM dan syarikat pembersihan menolak, Universiti hendaklah mendapatkan perkhidmatan disinfeksi tersebut melalui tatacara perolehan biasa bagi memastikan kos munasabah ditanggung Universiti.</p> <p>iv. Namun, jika terdapat warga Universiti yang telah disahkan positif COVID-19 atau Universiti menerima arahan daripada mana-mana badan bertauliah iaitu Kementerian Kesihatan Malaysia atau Majlis Keselamatan Negara untuk menjalankan kerja-kerja disinfeksi segera, maka perkhidmatan disinfeksi boleh dilaksanakan melalui kaedah perolehan darurat bagi membendung penularan wabak tersebut.</p>
12	Adakah pembayaran bagi perkhidmatan pembasmian (disinfeksi) boleh dibuat secara berfasa kepada pihak pembekal?	<p>i. Universiti yang mendapatkan perkhidmatan disinfeksi daripada FM atau syarikat pembersihan sedia ada melalui perjanjian tambahan boleh melaksanakan pembayaran berfasa selaras dengan terma dan syarat di bawah perjanjian sedia ada.</p> <p>ii. Jika perkhidmatan disinfeksi dibuat dengan syarikat berasingan di bawah perolehan darurat, maka bayaran secara berfasa atau mengikut kemajuan boleh dibuat tertakluk kepada setiap tuntutan bayaran diperakukan mengikut nilai perkhidmatan setakat mana yang telah disempurnakan.</p> <p>iii. Sebagai contoh, terdapat dua blok iaitu Blok A dan B yang memerlukan</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>perkhidmatan disinfeksi melalui perolehan darurat. Bagi membantu pengurusan pembayaran, Universiti boleh mengeluarkan dua Surat Arahan Memulakan Perkhidmatan (Lampiran N3.1, PKPU) berasingan untuk Blok A dan Blok B sungguhpun kerja-kerja pembersihan disinfeksi dilakukan oleh syarikat yang sama. Setelah kerja di Blok A selesai, pembayaran boleh dibuat dahulu. Jika Universiti telah mengeluarkan satu surat arahan sahaja, bayaran berfasa masih boleh dilakukan dengan syarat Universiti memastikan tidak berlaku lebih bayaran iaitu menjangkaui nilai komponen Blok A yang telah disempurnakan.</p>
13.	<p>Bagi Institusi Latihan Awam (ILA) atau premis Kerajaan yang telah diisytiharkan sebagai Stesen Kuarantin, adakah perolehan darurat boleh dibuat untuk item-item seperti ubat, sewaan <i>water dispenser</i> atau pembekalan/ perkhidmatan lain yang diperlukan?</p>	<p>Perolehan tersebut hendaklah dilaksanakan mengikut kaedah perolehan sedia ada yang berkuat kuasa.</p>
14	<p>Berdasarkan tatacara perolehan darurat, Jawatankuasa Rundingan Harga (JKRH) perlu ditubuhkan dan bersidang berdasarkan tanggungjawab seperti yang digariskan dalam PB3.3/ Perenggan 4.6.2. Adakah dibenarkan mesyuarat tersebut dilaksanakan secara maya iaitu melalui <i>video conference</i>?</p>	<p>Universiti perlu mewujudkan JKRH bagi pelaksanaan perolehan darurat tanpa mengira had nilai perolehan. Dalam hal tersebut, Universiti dibenarkan untuk melaksanakan mesyuarat secara <i>video conference</i> melalui aplikasi <i>Webex</i>, <i>Team</i>, <i>Skype for Business (SfB)</i> atau mana-mana kemudahan/platform <i>Video Conferencing</i> yang disediakan oleh Pusat Perkhidmatan</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>dan Pengetahuan Komunikasi (PPPK) atau melalui talian telefon. Manakala dokumen yang perlu dipersetujui kedua-dua belah pihak boleh ditandatangani dan dihantar melalui e-mel kepada pihak Universiti. Minit mesyuarat masih perlu disediakan. Universiti adalah bertanggungjawab memastikan teknologi yang digunakan adalah selamat dalam melindungi data dan maklumat Universiti.</p>
15.	<p>Apakah tindakan agensi sekiranya syarikat yang ditawarkan memohon untuk mengubah harga tawaran bagi mengambil kira faktor persekitaran ekonomi semasa atau menolak tawaran yang diberikan?</p>	<p>i. Universiti tidak boleh mempertimbangkan sebarang perubahan harga tawaran bagi mengekalkan keadilan kepada petender/penyebut harga lain yang turut menyertai tender/sebut harga tersebut.</p> <p>ii. Berdasarkan persekitaran ekonomi semasa, Universiti juga tidak boleh mengambil tindakan untuk mengenakan sebarang bentuk penalti (sebagai contoh menyenarai hitam) ke atas petender/penyebut harga yang menolak keputusan perolehan yang telah dibuat oleh Pihak Berkuasa Melulus.</p> <p>iii. Oleh yang demikian, Lembaga Perolehan Universiti/Mesyuarat Sebut Harga Bekalan, Perkhidmatan dan Kerja Universiti/ Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) semasa bersidang perlu mengambil maklum berkenaan kemungkinan perkara-</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		perkara yang akan berlaku setelah keputusan dibuat dengan turut memutuskan supaya syarikat di kedudukan kedua dipilih sekiranya syarikat di kedudukan pertama menolak tawaran dan demikian seterusnya.
16.	Adakah tempoh sah laku bagi tender dan sebut harga yang ditanggungkan boleh dilanjutkan dalam tempoh PKP?	<ul style="list-style-type: none"> i. Pelanjutan tempoh sah laku adalah tertakluk kepada peraturan semasa berkuat kuasa. ii. Bagi kawasan yang dikenakan PKP, agensi wajar mempertimbangkan pelanjutan tempoh sah laku tender/sebut harga sehingga suatu tempoh yang bersesuaian. iii. Tempoh sah laku bagi sebut harga adalah maksimum 120 hari. Manakala bagi tender adalah maksimum 210 hari.
17.	Adakah tempoh sah laku untuk tender pra kelayakan turut boleh dilanjutkan memandangkan peraturan telah menetapkan tempoh sah laku adalah tidak boleh melebihi 120 hari?	<ul style="list-style-type: none"> i. Pelanjutan tempoh sah laku adalah tertakluk kepada peraturan semasa berkuat kuasa. ii. Bagi kawasan yang dikenakan PKP, agensi wajar mempertimbangkan pelanjutan tempoh sah laku tender pra kelayakan sehingga suatu tempoh yang bersesuaian. iii. Tempoh sah laku bagi tender pra kelayakan adalah maksimum 210 hari.
18.	Adakah syarikat yang berada di kawasan PKP/PKPB/PKPP dibenarkan untuk mengemukakan dokumen tender/sebut harga bagi perolehan kerja/perkhidmatan	Penyerahan/penerimaan dokumen tender/sebut harga yang tidak menggunakan sistem dalam talian, hendaklah dibuat secara serahan fizikal.

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
	perunding secara dalam talian seperti e-mel?	<p>Syarikat juga dibenarkan untuk menghantar dokumen tawaran tender/ sebut harga melalui pos berdaftar/kurier. Agensi dinasihatkan untuk memasukkan klausa berikut ke dalam arahan kepada petender/penyebut harga:</p> <p>“Jika tender/sebut harga dihantar dengan menggunakan perkhidmatan pos berdaftar/ kurier, Petender hendaklah memastikan dokumen tersebut selamat tiba pada alamat yang telah ditetapkan sebelum atau pada Tarikh Tutup tender/sebut harga selewat-lewatnya pada pukul 12.00 tengah hari. Sebarang kelewatan yang timbul dalam urusan tersebut tidak akan dilayan”</p>
19.	Bagaimana kedudukan bagi tender/sebut harga yang telah dipelawa tetapi tarikh tutupnya dalam tempoh PKP?	<p>i. Tarikh tutup iklan boleh dilanjutkan ke suatu tarikh yang bersesuaian oleh urus setia perolehan.</p> <p>ii. Universiti hendaklah mengemaskini maklumat tarikh tutup/ tempoh iklan baharu melalui sistem yang berkaitan (eP/MyGPIS) dan laman sesawang Universiti jika perlu.</p>
20.	Bolehkah tender/sebut harga diiklankan/dipelawa dalam tempoh PKP/PKPB/PKPP?	<p>i. Ya, tender/sebut harga boleh diiklankan/ dipelawa bagi memastikan Perancangan Perolehan Tahunan (PPT) 2021 Agensi termasuk semua program/ projek yang diumumkan oleh Kerajaan dari semasa ke semasa dapat dilaksanakan.</p> <p>ii. Agensi perlu memastikan tempoh tutup iklan tender/sebut harga yang</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>munasabah bagi mengelakkan tarikh tutup jatuh dalam tempoh PKP/PKPB/ PKPP. Kuasa pelanjutan tarikh tutup iklan tender/sebut harga yang sedang diiklankan terletak kepada Pegawai Pengawal/Pegawai yang diturunkan kuasa.</p> <p>iii. Tempoh maksimum jualan bagi sebut harga adalah 5 minggu manakala tempoh maksimum jualan bagi tender adalah 9 minggu.</p>
Proses Perolehan Melibatkan Kehadiran Ramai (Undian, Lawatan Tapak dan lain-lain).		
21.	Adakah proses perolehan seperti pelantikan secara undian, lawatan tapak boleh dilaksanakan dalam tempoh PKP.	<p>PP/PK2.2 telah memberi kebenaran pelaksanaan perolehan bagi perolehan/projek Kerajaan tahun 2021 dilaksanakan dalam tempoh dan selepas tempoh PKP tertakluk kepada syarat berikut:</p> <p>i. PTj hendaklah tidak mewajibkan kehadiran syarikat bagi tujuan taklimat atau lawatan tapak bagi sebut harga/tender;</p> <p>ii. Bagi memastikan maklumat berkaitan spesifikasi/terma rujukan/ brif projek berkenaan adalah jelas, PTj hendaklah menyediakan maklumat terperinci untuk membantu syarikat yang menyertai sebut harga/tender memahami kehendak PTj; dan</p> <p>iii. Selain itu, Universiti boleh memberi satu tempoh yang munasabah bagi syarikat melawat sendiri kawasan atau tapak berkenaan yang dinyatakan dalam dokumen sebut harga/tender</p>

**SOALAN LAZIM BERKAITAN PEROLEHAN KERAJAAN BERIKUTAN
 PELAKSANAAN PERINTAH KAWALAN PERGERAKAN (PKP), PERINTAH
 KAWALAN PERGERAKAN BERSYARAT (PKPB) DAN PERINTAH KAWALAN
 PERGERAKAN PEMULIHAN (PKPP) DI UNIVERSITI TEKNIKAL MALAYSIA
 MELAKA (UTeM)**

Bil.	Soalan	Jawapan
		berkenaan. Lawatan tapak ini dapat membantu syarikat mendapat maklumat yang lebih tepat dan mengetahui keadaan/maklumat tambahan yang berguna bagi menyediakan tawaran sebut harga/tender. Dalam hal ini, sekiranya syarikat mahu melawat sendiri kawasan atau tapak berkenaan, amalan penjarakan, penggunaan <i>hand sanitizer</i> dan pemakaian <i>face mask</i> adalah perlu diteruskan.
22.	Adakah agensi boleh menggantikan prosedur lawatan tapak dan taklimat tender/sebut harga kepada penerangan skop kerja melalui rakaman video?	Boleh. Agensi dibenarkan untuk membuat rakaman video bagi menggantikan prosedur lawatan tapak/ taklimat tender/sebut harga mengikut kaedah pelaksanaan berikut: <ol style="list-style-type: none"> i. Rakaman video dipaparkan di laman sesawang rasmi Agensi Pelaksana untuk diakses oleh semua kontraktor yang berminat sepanjang tempoh sebut harga; ii. Agensi Pelaksana akan menugaskan beberapa pegawai untuk menjawab sebarang pertanyaan dari kontraktor sepanjang tempoh sebut harga/iklan tender; dan iii. Kontraktor juga mempunyai peluang untuk membuat lawatan sendiri ke projek-projek yang berkaitan mengikut kesesuaian masa mereka.
Pihak Berkuasa Melulus (PBM) dan Jawatankuasa Perolehan Semasa Tempoh PKP		
23.	Bolehkah mesyuarat Lembaga Perolehan dan Jawatankuasa Sebut	Mesyuarat Lembaga Perolehan dan Jawatankuasa Sebut Harga hendaklah

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
	Harga bersidang secara dalam talian melalui mana-mana aplikasi <i>Video Conference</i> dalam tempoh PKP/PKPB/ PKPP?	dibuat secara bersemuka berdasarkan tatacara di dalam PP/PK2.2/Perenggan 7 tanpa menggunakan aplikasi sidang video.
24.	Adakah Mesyuarat Jawatankuasa Perolehan selain Lembaga Perolehan dan Jawatan Sebut Harga seperti Jawatankuasa Spesifikasi, Jawatankuasa Penilaian, Jawatankuasa Rundingan Harga dan lain-lain boleh bersidang secara dalam talian semasa tempoh PKP/PKPB/PKPP?	<ul style="list-style-type: none"> i. Mesyuarat boleh dilaksanakan secara dalam talian dalam tempoh PKP/PKPB/PKPP selaras dengan ketetapan PP/PK2.2/Perenggan 7.3. ii. Penggunaan aplikasi sidang video selain daripada <i>Skype for Business</i> (SfB) turut dibenarkan dengan syarat Agensi perlu memastikan aplikasi yang hendak digunakan mematuhi arahan keselamatan yang dikeluarkan oleh pihak berkuasa keselamatan seperti MAMPU dan Pejabat Ketua Pegawai Keselamatan Kerajaan Malaysia. iii. Pengendalian dokumen rahsia rasmi Kerajaan seperti dokumen tawaran penyebut harga/ petender secara <i>hardcopy</i> atau <i>softcopy</i> yang perlu dibawa keluar daripada pejabat adalah tertakluk kepada Garis Panduan Membawa Rahsia Rasmi Keluar Dari Pejabat Semasa Tempoh Perintah Kawalan Pergerakan yang dikeluarkan oleh Pejabat Ketua Pegawai Keselamatan Kerajaan Malaysia.
PBM dan Jawatankuasa Perolehan Selepas Tempoh PKP		
25.	Adakah mesyuarat PBM dan Jawatankuasa Perolehan kembali kepada keadaan asal sepenuhnya selepas tempoh PKP?	<p>Ya, dari segi skop bidang kuasa namun pengendalian mesyuarat masih tertakluk kepada prosedur sepertimana semasa tempoh PKP seperti berikut:</p> <ul style="list-style-type: none"> i. Kekerapan mesyuarat LP, Jawatankuasa Sebut Harga Bekalan,

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) hendaklah diminimumkan.</p> <p>ii. Kertas pertimbangan hendaklah lengkap, ringkas dan padat serta pembentangan dalam mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) hendaklah diringkaskan sebaik mungkin bagi memastikan mesyuarat dapat diselesaikan dalam tempoh masa yang singkat.</p> <p>iii. Bilangan ahli mesyuarat yang hadir juga perlu diminimumkan dan hanya menetapkan keperluan kehadiran wakil yang mandatori sahaja dan benar-benar perlu bagi membantu dalam memutuskan perolehan.</p> <p>iv. Memaksimumkan penggunaan e-mel bagi mendapatkan akses kepada kertas pertimbangan sebut harga/tender bagi perolehan bekalan dan perkhidmatan.</p> <p>v. Urus setia yang terlibat dalam menyediakan dokumen dan bertugas semasa mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>Geran Penyelidikan/Zon Kewangan) hendaklah diminimumkan.</p> <p>vi. Wakil pemohon tidak dibenarkan untuk bersiap sedia di luar bilik mesyuarat secara beramai-ramai. Oleh itu, urus setia hendaklah mengenal pasti hanya seorang sahaja wakil pembentang kertas pertimbangan untuk bersiap sedia jika benar-benar terdapat keperluan. Sekiranya tiada keperluan, wakil pembentang tidak perlu hadir.</p> <p>vii. Urus setia mesyuarat hendaklah memastikan semua pengerusi, ahli, pembentang termasuk urus setia adalah bebas daripada demam, batuk dan selesema sebelum memulakan mesyuarat. Pengimbasan suhu badan juga hendaklah dibuat ke atas semua pegawai yang akan memasuki mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) dan memastikan ia berada di bawah paras suhu badan yang normal.</p> <p>viii. Urus setia mesyuarat hendaklah memastikan <i>hand sanitizer</i> disediakan di dalam bilik mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas</p>

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>Untuk Geran Penyelidikan/Zon Kewangan).</p> <p>ix. Urus setia mesyuarat hendaklah memastikan kedudukan pengerusi, ahli dan urus setia di dalam mesyuarat diamalkan jarak yang selamat (sekurang-kurangnya diselang satu kerusi). Oleh itu, pemilihan bilik mesyuarat yang sempit dan kecil hendaklah dielakkan.</p> <p>x. Mengamalkan langkah pencegahan sebelum/semasa mesyuarat seperti mengelakkan bersalam, aktiviti perbualan yang terlalu dekat dan pemakaian topeng muka, jika perlu.</p>
26.	Bolehkah mesyuarat Lembaga Perolehan dan Jawatankuasa Penilaian bersidang secara maya melalui <i>Video Conference</i> , iaitu sebagai contoh melalui <i>Skype for Business</i> di bawah infra MAMPU?	Tidak boleh. Mesyuarat Lembaga Perolehan Universiti, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) tidak dibenarkan bersidang secara maya. Ini adalah kerana pertimbangan/penilaian adalah melibatkan maklumat terperinci dan hendaklah dibuat dalam persekitaran yang tertutup dan tidak terdedah dengan risiko yang dibuat secara maya. Walau bagaimanapun Jawatankuasa Penilaian Teknikal dan Penilaian Harga boleh bersidang secara maya melalui mana-mana aplikasi <i>Video Conference</i> .
27.	Bolehkan tender/sebut harga diiklankan/dipelawa dalam tempoh PKP?	i. Ya, tender/sebut harga boleh diiklankan/ dipelawa bagi memastikan Perancangan Perolehan Tahunan (PPT) 2021 Agensi termasuk semua

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
		<p>program/ projek yang diumumkan oleh Kerajaan dari semasa ke semasa dapat dilaksanakan.</p> <p>ii. Agensi perlu memastikan tempoh tutup iklan tender/sebut harga yang munasabah bagi mengelakkan tarikh tutup jatuh dalam tempoh PKP/PKPB/ PKPP. Kuasa pelanjutan tarikh tutup iklan tender/sebut harga yang sedang diiklankan terletak kepada Pegawai Pengawal/Pegawai yang diturunkan kuasa.</p> <p>iii. Tempoh jualan bagi sebut harga 5 minggu manakala tender 9 minggu.</p>
28.	<p>Bolehkah kontrak perolehan Bekalan dan Perkhidmatan yang bernilai sehingga RM200 ribu diberi pelanjutan tempoh kontrak sementara perolehan sebut harga dilaksanakan yang bertujuan untuk mengelakkan perbekalan barangan terputus.</p>	Rujuk para 3
29.	<p>Adakah agensi boleh menggantikan prosedur lawatan tapak dan taklimat sebut harga kepada penerangan skop kerja melalui rakaman video mengikut pelaksanaan berikut:</p> <p>i. Rakaman video dipaparkan di laman sesawang rasmi Agensi Pelaksana untuk diakses oleh semua kontraktor yang berminat sepanjang tempoh sebut harga;</p> <p>ii. Agensi Pelaksana akan menugaskan beberapa pegawai untuk menjawab sebarang</p>	Boleh. Agensi dibenarkan untuk membuat rakaman video bagi menggantikan prosedur lawatan tapak/ taklimat sebut harga/ tender.

**SOALAN LAZIM BERKAITAN PEROLEHAN KERAJAAN BERIKUTAN
PELAKSANAAN PERINTAH KAWALAN PERGERAKAN (PKP), PERINTAH
KAWALAN PERGERAKAN BERSYARAT (PKPB) DAN PERINTAH KAWALAN
PERGERAKAN PEMULIHAN (PKPP) DI UNIVERSITI TEKNIKAL MALAYSIA
MELAKA (UTeM)**

Bil.	Soalan	Jawapan
	<p>pertanyaan dari kontraktor sepanjang tempoh sebut harga;</p> <p>iii. Kontraktor juga mempunyai peluang untuk membuat lawatan sendiri ke projek-projek yang berkaitan mengikut kesesuaian masa mereka; dan</p> <p>iv. Kerja-kerja tersebut tidak melibatkan skop kerja teknikal atau struktur kerana kerja-kerja tersebut hanya melibatkan bahagian luar sahaja.</p>	